


Bibël për fëmijët paraqet



Nga Përndjekës në Predikues



Shkruar nga: Edward Hughes
Ilustruar nga: Janie Forest
Adaptuar nga: Ruth Klassen
Alastair Paterson
Përkthyer nga: Arianit & Valbona Iljazi
Prodhuar nga: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2020 Bible for Children, Inc.

E drejta e kopjimit: Mund të bëni kopje ose ta shtypni këtë histori,
nëse nuk do ta shitni.


1



Perëndia bëri gjëra
të mëdha nëpërmjet
njerëzve të Tij, në
kishën e hershme. Një
njeri i quajtur Filip,

ishite shumë i zënë
duke i treguar
njerëzve për
Jezusin, në një
qytet shumë të
populluar.


2



Perëndia e dinte se ishte një udhëtar në shkretëtirë, një qeveritar i Mbretëreshës Kandace të Etiopisë. Ai ishte duke u kthyer për në shtëpinë e tij, dhe po lexonte një Libër të veçantë.

A e gjeni dot së çfarë libri po lexonte ai?


3




Kur Filipi iu bind Perëndisë, Perëndia e çoi drejt e tek ky qeveritar, i cili po lexonte Fjalën e Perëndisë, por pa e kuptuar. Ai e ftoi Filipin që të udhëtonin bashkë.

4

"Çfarë do të thotë kjo?" e pyeti qeveritari Filipin. Ndërsa qerrja lëkundej sa andej këndej në rrugën e shkretë, Filipi filloi të flasë, dhe duke filluar nga ai shkrim i predikoi Jezusin atij.



5



Qeveritari Afrikan, shumë shpejt i besoi mesazhit të Biblës, që Jezus Krishti është Biri i Perëndisë. Duke parë një rrjedhë uji aty pranë, qeveritari tha, "Çfarë më pengon mua të pagëzohem?"

6

Atëherë, Filipi tha, "Nëse ti beson me gjithë zemër, mundesh". Kur qeveritari u përgjigj, "Unë besoj që Jezus Krishti është Biri i Perëndisë", atëherë Filipi e çoi drejt ujit dhe e pagëzoi.



7

Tani kur ata dolën jashtë nga uji, Fryma e Perëndisë e largoi prej andej Filipin, kështu që qeveritari Afrikan nuk e pa më atë. Pas kësaj, ai u kthye në Etiopi me gëzim të madh.



8

Por disa njerëz i urrenin të Krishterët. Stefani, një nga miqtë e Filipit, ishte vrarë prej njerëzve të zemëruar që nuk dëshironin që ai të fliste për Jezusin. Një njeri i quajtur Saul, me origjinë nga Tarsi, kishte ndihmuar në vrasjen e Stefanit. Sauli i urrente të gjithë të Krishterët.




9

Sauli duke shfryrë kërcënime dhe duke uruar vdekjen e të Krishterëve, shkoi tek kryepriifti dhe mori letra, që i jepnin atij të drejtën të arrestonte burra dhe gra që ishin ndjekës të Jezusit.



10

I shkreti Saul nga Tarsi! Ai nuk e dinte që duke përndjekur njerëzit e Perëndisë, ai në të vërtetë po përndiqte vetë Zotin Jezus. Perëndisë i duhej ta ndalonte Saulin. Por si?




11

Perëndia e "arrestoi" Saulin! Ndërsa Sauli ishte në rrugë për në qytetin e Damaskut, Perëndia shkëlqeu një dritë verbuese nga Qielli. Sauli ra përtokë. Pastaj ai dëgjoi një zë.




12

"Kush je ti o Zot?" bërtiti Sauli. "Unë jam Jezusi, të Cilin ti po e përndjek". Duke u dridhur dhe shumë i tronditur, Sauli pyeti, "Zot çfarë dëshiron që unë të bëj"? Dhe Zoti i tha atij, "Çohu dhe shko në qytet, atje do të të tregohet çfarë duhet të bësh".



13

Edhe njerëzit që ishin me Saulin e dëgjuan zërin, por nuk panë askënd. Sauli u çua nga toka - dhe vuri re që ishte verbuar. Shokët e çuan atë përdore në Damask.



14

Në qytet Sauli mbeti tre ditë pa parë, dhe as hëngri e as piu. Mbase ai e kaloi kohën duke iu lutur Zotit Jezus, i Cili i ishte shfaqur rrugës për në Damask.



15

Perëndia kishte bërë gjithçka në plan. Në Damask ishte një dishepull i quajtur Anania. Zoti e dërgoi atë të ndihmonte Saulin. Anania ishte i frikësuar. Por ai iu bind Perëndisë. Ai i vendosi duart e tij mbi Saulin, dhe ky i fundit rifitoi shikimin - dhe Sauli u mbush me Frymën e Shenjtë të Perëndisë.



16

Pasi u pagëzua dhe hëngri ushqim forcat e tij u përtërinë. Sauli kishte nevojë për fuqi. Ai kishte diçka shumë të rëndësishme për të bërë.




17

Menjëherë Sauli filloi të predikojë Jezusin nëpër sinagoga, që Ai është Biri i Perëndisë. Atëherë, të gjithë ata që e dëgjuan u mrekulluan dhe thanë, "A nuk është ky ai që shkatërronte të Krishterët"? Madje disa prej tyre bënë plan ta vrasin Saulin.



18

Armiqtë e rinj të Saulit ruanin dyert e qytetit, që ta vrisnin atë nëse ai përpigëj të largohet prej andej. Por miqtë e tij të rinj, të Krishterët, e morën dhe e zbritën nga muret e qytetit me një shportë të madhe gjatë natës.



19

Qysh nga ajo kohë e më pas, Sauli përndjekësi i të Krishterëve, jetoi si një ndjekës besnik i Mësuesit të ri, Zotit Jezus Krisht.



20

Nga Përndjekës në Predikues


Një tregim nga Fjala e Perëndisë, Bibla

e marrë nga

Veprave 8-9

"Zbulimi i fjalëve të tua ndriçon dhe u jep mendje njerëzve të thjeshtë."
Psalmet 119:130

21



58



60

22

Ky tregim nga Bibla na tregon për Perëndinë tonë të mrekullueshëm i cili na krijoi dhe dëshiron që ne ta njohim Atë.

Perëndia e di që ne kemi bërë gjëra të këqija, të cilat Ai i quan mëkate. Dënimi për mëkatin është vdekja, por Perëndia ju do juve aq shumë sa që dërgoi Birin e Tij të vetëm, Jezusin, që të vdesë në Kryq dhe të dënohet për mëkatet tuaja. Pastaj Jezusi u ringjall dhe u ngrit lart në Qiell! Nëse beson në Jezusin dhe i kërkon Atij të t'i falë mëkatet e tua, Ai do ta bëjë atë! Ai do të vijë dhe do të jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu: Jezus i dashur, unë besoj se Ti je Perëndia i bërë njeri për të vdekur për mëkatet e mia, dhe që Ti u ngjalle sërish. Të lutem, eja në jetën time dhe fali mëkatet e mia, në mënyrë që unë të kem jetë të re dhe një ditë të jem me Ty, përgjithmonë. Më ndihmo, të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

23